



MES 7 22 0000691886



22/06/2022

აჭარის ავტონომიური რესპუბლიკის განათლების, კულტურისა და სპორტის სამინისტროს
სატენდერო კომისიის სხდომის ოქმი N 33-7

ქალაქი ბათუმი

სხდომას ესწრებოდნენ:

კომისიის თავმჯდომარე - ჯემალ სურმანიძე - მინისტრის პირველი მოადგილე;

კომისიის წევრები:

ზაურ ახვლედიანი - მინისტრის მოადგილე;

ნაზიბროლა ბერიძე - გაბაიძე - განათლების დეპარტამენტის უფროსი;

რავშან ბეჟანიძე - ადმინისტრაციული დეპარტამენტის უფროსი;

მანუჩარ ხინიკაძე - სახელმწიფო შესყიდვების დეპარტამენტის უფროსი;

სატენდერო კომისიის აპარატის წევრი:

თამილა დუმბაძე - სახელმწიფო შესყიდვების დეპარტამენტის მეორე კატეგორიის უფროსი სპეციალისტი.

სხდომას არ ესწრება კომისიის წევრი თამარ სირია - იურიდიული დეპარტამენტის უფროსი (შვებულება).

დღის წესრიგი: საჯარო სკოლების (6 ერთეული) მშენებლობის-რეაბილიტაციის საპროექტო-სახარჯთაღრიცხვო დოკუმენტაციების შესყიდვის სატენდერო დოკუმენტაციის დამტკიცება და ელექტრონული ტენდერის გამოცხადება.

მოისმინეს: აღინიშნა, რომ აჭარის ავტონომიური რესპუბლიკის განათლების, კულტურისა და სპორტის სამინისტროს 2022 წლის ქვეპროგრამის - „საჯარო სკოლების ინფრასტრუქტურის გაუმჯობესება“ და პროგრამის - „კულტურის დაწესებულებების ინფრასტრუქტურის გაუმჯობესება“ ფარგლებში, 2022 წლის 17 მაისის MES 0 22 0000497227 მოხსენებითი ბარათის (ბაზრის კვლევა) შესაბამისად ხელახლა უნდა გამოცხადდეს ელექტრონული ტენდერი საჯარო სკოლების (6 ერთეული) საპროექტო-სახარჯთაღრიცხვო დოკუმენტაციების მომზადებაზე, ორ ნაწილად.

კომისიას წარედგინა ელექტრონულ ტენდერთან დაკავშირებით შემუშავებული სატენდერო დოკუმენტაცია. შესყიდვის სავარაუდო ღირებულება დღგ-ს ჩათვლით შეადგენს 81 000 ლარს.

პრეტენდენტის გამოცდილებასთან დაკავშირებით დადგინდეს შემდეგი მოთხოვნები:

პრეტენდენტს 2020 წლის 01 იანვრიდან წინამდებარე ტენდერის გამოცხადებამდე პერიოდში უნდა გააჩნდეს შენობების/ნაგებობების მშენებლობის/რეაბილიტაციის სამუშაოების

საპროექტო-სახარჯთაღრიცხვო დოკუმენტაციის მიწოდების გამოცდილება საერთო ღირებულებით მინიმუმ 100 000 (ასი ათასი) ლარი, მათ შორის ამავე პერიოდში არანაკლებ 1 (ერთი) ახალი მშენებლობის საპროექტო-სახარჯთაღრიცხვო დოკუმენტაციის მიწოდების გამოცდილება, რომელზედაც გაცემულია მშენებლობის ნებართვა ან პროექტის/არქიტექტურული ნაწილის შეთანხმების სხვა ადმინისტრაციული აქტი.

პრეტენდენტის პერსონალის გამოცდილებასთან დაკავშირებით დადგინდეს შემდეგი მოთხოვნები:

- ინფორმაცია პროექტის განხორციელებისათვის არანაკლებ 3 მასთან დასაქმებული პირის შესახებ, რომელთაგან ერთი უნდა იყოს არქიტექტორი უმაღლესი აკადემიური განათლებით, ხოლო დანარჩენს უნდა გააჩნდეს უმაღლესი ან პროფესიული უმაღლესი განათლება სამშენებლო-საინჟინრო სფეროში და წარმოდგენილი უნდა იქნას დიპლომის ან კვალიფიკაციის დამადასტურებელი სხვა დოკუმენტის ასლები.

შენიშვნა: პრეტენდენტთან ხელშეკრულების გაფორმების შემთხვევაში მის მიერ წარმოდგენილ პროექტებზე ხელს უნდა აწერდეს პრეტენდენტის მიერ სატენდერო წინადადების წარმოდგენის დროს ტექნიკურ დოკუმენტაციაში მითითებული დასაქმებულები (არქიტექტორი და სხვა პირები).

კომისიამ ერთხმად დაადგინა:

1. დამტკიცდეს საჯარო სკოლების (6 ერთეული) და კულტურის დაწესებულების რეაბილიტაციის საპროექტო-სახარჯთაღრიცხვო დოკუმენტაციების სახელმწიფო შესყიდვაზე ელექტრონული ტენდერის სატენდერო დოკუმენტაცია ოქმზე თანდართული რედაქციით.
2. შესყიდვის სავარაუდო ღირებულებად განისაზღვროს 81 000 ლარი, ხოლო სატენდერო წინადადების ფასის კლების ბიჯად - 1 000 ლარი.
3. ელექტრონული ტენდერი გამოცხადდეს ვაჭრობის დაფარული მონაცემებით (აუქციონის გარეშე).
4. დაევალოს სატენდერო კომისიის აპარატს ტენდერის გამოცხადების პროცედურების განხორციელება.

მეორე კატეგორიის უფროსი სპეციალისტი
თამილა დუმბაძე



სახელმწიფო შესყიდვების
დეპარტამენტის უფროსი
ხინიკაძე მანუჩარ



რავშან ბეჟანიძე
ადმინისტრაციული დეპარტამენტის უფროსი



საქართველოს განათლების, მეცნიერების, კულტურისა
და სპორტის სამინისტრო
აჭარის ავტონომიური რესპუბლიკის განათლების,
კულტურისა და სპორტის სამინისტრო
განათლების დეპარტამენტი
დეპარტამენტის უფროსი
ბერიძე-გაბაიძე ნაზიბროლა

ნ. ბერიძე-გაბაიძე

მინისტრის მოადგილე

ზაურ ახვლედიანი

ზ. ახვლედიანი

ჯემალ სურმანიძე
მინისტრის პირველი მოადგილე

ჯ. სურმანიძე